

Vrhunac afere: Raspad strateškog partnerstva sa Indijcima

Sud će odlučiti ko je vlasnik GIKIL-a

Dok u državnoj firmi Koksno-hemijski kombinat tvrde da u GIKIL-u imaju 69,73 posto upravljačkih prava, njihov strateški partner iz GSHL-a iz Londona im odgovara da je omjer 51:49 u njihovu korist i u prilog tome pokazuju izvod iz sudskog registra. A sve je lijepo počelo 7. januara 2003. godine

Piše: Darko Omeragić

Spor osnivača Global ispat koksne industrije Lukavac (GIKIL) oko vlasničkih i upravljačkih prava koji je kulminirao na sjednici Skupštine GIKIL-a 4. marta može značiti dvije stvari: ili su domaće snage uvjerene da bi same bolje upravljale ovom velikom kompanijom ili smo na dobrom putu da otjeramo strane investitore koje na sav glas u BiH pozivamo. Može biti i treća stvar, a to je kriminal. Kao i u svakom sporu, konačnu riječ će dati sud ili međunarodna arbitraža. No, u BiH je sve moguće.

Kako bi priča bila jasna čak i najneupućenijim, treba se vratiti u 2001. godinu, kada je jedan od osnivača GIKIL-a, Koksno-hemijski kombinat (KHK), koji je do tada bio u sto posto državnom vlasništvu, djelimično privatizovan. Nakon toga je u KHK-u država (Vlada Tuzlanskog kantona) zadržala 67 posto kapitala, dok je 33 posto došjelo u ruke malih dioničara. Potom je stvorena Koksna industrija d.o.o. Lukavac (KIL), u kojoj je KHK imao 95 posto dionica. Ovo društvo je registrovano 7. januara 2003. godine.

Kraj ljubavi

Iste godine 10. novembra Koksna industrija Lukavac počinje da piše noviju istoriju ugovorom o partnerstvu sa Global Infrastructure Holdings Ltd. Isle of Man iz Londona (koja se sada zove Global Steel Holdings Limited). Od tada je KIL registrovan kao Global Ispat Koksna Industrija d.o.o.

Lukavac (GIKIL) sa novim timom uprave. Nekoliko mjeseci kasnije, 8. jula 2004., Peta koksna baterija za proizvodnju koksa u Lukavcu je zvanično pokrenuta u prisustvu tadašnjeg predsjedavajućeg Predsjedništva BiH Sulejmana Tihića i članova porodice Pramoda Mittala, mlađeg brata kralja čelika i indijskog multimilijardera Lakshmija Mittala, u čijem vlasništvu je GSHL, odnosno GIKIL-ov strateški partner. Partnerstvo je funkcionalo punih 12 godina, sve do pomenu-

tog 4. marta i sjednice Skupštine GIKIL-a, kada su predstavnici KHK-a iznenada ustvrdili da umjesto 49 posto upravljačkih prava imaju 69,73 posto, dok je GSHL ostao pri svome, tvrdeći da ima 51 posto upravljačkih prava, a KHK 49 posto.

KHK je otišao i korak dalje, pa je na nekoliko sudova u Tuzlanskom kantonu protiv GSHL-a podnio tužbe kojima želi dokazati da je omjer u upravljačkim pravima drugačiji od omjera 51:49.

Nakon sjednice Skupštine GIKIL-a, mediji su prenijeli izjavu Zuhdije Hasan Hodžića, direktora KHK-a koji je strateškog partnera optužio za "bahatost, neulaganje, mobing, nepriznavanje vlasti, kriminal..."

Srđan Mićanović, ministar industrije, energije i ruderstva Tuzlanskog kantona, za *Dane* je rekao da GSHL nije izvršavao dogovorene obaveze.

"Oni su to pravdali korporativnom garancijom koju su sami izdali, bez saglasnosti Vlade TK-a i KHK-a. KHK je strateškog partnera više mjeseci pozivao da ispunji ugovorene obaveze i, kako do toga nije došlo, KHK je organizovao sjednicu Skupštine GIKIL-a i isključio GSHL iz upravljačkih struktura. Prije toga je GSHL u Nadzorni odbor GIKIL-a na mjestu koje pripada KHK-a imenovao svoje članove i time su pokazali jednostranost u dočnošenju odluka i želju da KHK istisne iz Nadzornog odbora GIKIL-a", kaže ministar.

Mićanović priznaje da nakon sjednice Skupštine ovoj priči kraj nije blizu jer se čeka da papires sa sjednice Skupštine ovjeri sud,

BOSNA I HERCEGOVINA
FEDERACIJA BOSNE I HERCEGOVINE
KANTON: TUZLA
Općinski sud u Tuzli

Općinski sud u Tuzli, na zahtjev "GLOBAL ISPAT KOKSNA INDUSTRija" d.o.o. za proizvodnju koksa, hemijskih proizvoda i energije, u predmetu izdavanja izvoda iz sudskog registra, a na temelju člana 78. Zakona o registraciji poslovnih subjekata u Federaciji Bosne i Hercegovine ("Službene novine F BiH" broj: 27/05.68/05 i 43/09), 14.5.2015. godine, donio je

AKTUELNI IZVOD IZ SUDSKOG REGISTRA

U sudski register ovog suda upisan je subjekt upisa sa sljedećim podacima:

Matični broj subjekta upisa: 1-12685
JIB: 4209477990003
Carinski broj:

Firma: "GLOBAL ISPAT KOKSNA INDUSTRija" d.o.o. za proizvodnju koksa, hemijskih proizvoda i energije
Skraćena oznaka firme: "GLOBAL ISPAT KIL" d.o.o. Lukavac
Sjedište: Željeznička br. 1, Lukavac, Lukavac

Osnivači subjekta upisa

Firma: Global Steel Holdings Limited
Sjedište: UNITED KINGDOM, 1st Floor Murdoch House, North Shore Road, Isle of Man, Channel Islands IM8 3DY
Lukavac: Željeznička br. 1

KAPITAL SUBJEKTA UPISA

Ugovoren (upisani) kapital: 152.120.247,00
Uplaćeni kapital: 106.889.340,08

Izvod iz sudskog
registra GIKIL-a

Strana 1/6



GIKIL Lukavac je osnovan 10. novembra 2003.

UDJOS OSNIVAČA U KAPITALU		
Osnivač	Global Steel Holdings Limited	Ugovorni kapital
"KOKSNO HEMIJSKI KOMBINAT" d.d. Lukavac	77.581.326,00	51 %
DJEJALNOST SUBJEKTA UPISA - u neutraljem prometu		
Sifra	Naziv	
05.10	Vodenje kamenog ugrijanja	
08.11	Vodenje ukrašenog kamena i kamena za gradnju, krečnjaka, gipsa, krede i kerijevca	
08.12	Djelatnosti kopanja riješnika i pješaka, vodenje gline i kaolina	
09.90	Pomoćne djelatnosti za ostalo vodenje ruda i kamena	
19.10	Proizvodnja protuzeda lokomotivi peći	
20.11	Proizvodnja industrijskih plinova	
20.13	Proizvodnja ostalih anorganiskih osnovnih hemikalija	
20.14	Proizvodnja ostalih osnovnih organskih hemikalija	
20.15	Proizvodnja prirođiva i dležilnih sponjeva	
24.33	Hitlado oblikovanje i prefoliranje	
25.11	Proizvodnja metalnih konstrukcija i njihovih dijelova	
25.12	Proizvodnja vrata i prozora od metala	
25.21	Proizvodnja radijatora i kotlova za centralno grijanje	
25.29	Proizvodnja ostalih metalnih cisterni, rezervoara i sličnih posuda	
25.50	Kovanje, prešovanje, itaconavanje i valjanje metala; metalurgija praha	
25.62	Matična obrada metala	
25.91	Proizvodnja čeličnih buradi i sličnih posuda od čelika	
28.22	Proizvodnja sredstava za dizanje i prenosanje	
33.11	Popravak prozoda od metala	
33.12	Popravak malina	
33.20	Instaliranje industrijskih mlašina i opreme	
35.11	Proizvodnja električne energije	
35.14	Trgovina električnom energijom	
35.21	Proizvodnja plina	
35.22	Distribucija plinovitih goriva distribucijskom mrežom	
35.23	Trgovina plinom distribucijskom mrežom	
35.30	Proizvodnja i snabdijevanje parom i klimatizacija	
36.00	Sakupljanje, prečišćavanje i snabdijevanje vodom	
38.21	Obrada i zbijavanje neopasnog otpada	
41.20	Izgradnja stambenih i nestambenih zgrada	
42.12	Gradnja željezničkih pruga i podzemnih željeznica	
42.13	Gradnja mostova i tunela	
42.21	Gradnja cjevovoda za tekućine i plinove	
42.22	Gradnja vodova za električnu struju i telekomunikacije	
42.99	Gradnja ostalih građevina riskognadje, d. n.	
43.11	Uklanjanje građevina	
43.12	Pripremni radovi na gradilištu	
43.21	Elektroinstalacijski radovi	
43.22	Uvođenje instalacija vodovoda, kanalizacije i plina i instalacija za grijanje i klimatizaciju	
43.29	Ostali građevinski instalacijski radovi	

Izvod iz sudskog registra GIKIL-a:
Procenat upravljačkih prava

Strana 2/6

nakon čega bi upravljanje GIKIL-om preuzeo KHK, odnosno Vlada TK-a.

“Želimo da sve uradimo po zakonu i pravnim normama, što će se potvrditi rješenjem iz sudskog registra u Općinskom sudu Tuzla u kojem će pisati da je KHK ispunio sve svoje ugovorene obaveze i da je vlasnik 69,73 posto GIKIL-a. GSHL sa ulaganjem od 32 miliona KM bi trebao imati oko 30 posto vlasničkih prava. Mislim da bi GIKIL trebao ostati u 100-postotnom vlasništvu KHK-a, a novac koji je unio GSHL mu treba biti vraćen. U obzir treba uzeti i mogućnost da je neunošenjem novca u GIKIL, GSHL napravio i određenu štetu, te u skladu s tim procjeniti koliko im novca treba vratiti”, tvrdi Mićanović.

Šta je mobing?

Prema njegovim riječima, Indjici su u GIKIL, umjesto 78 miliona KM, uložili pomenuta 32 miliona KM. I taj novac su trebali uložiti još 2007. godine.

Imamović: Stalno izmišljaju neke nove sistematizacije. Ukidaju radna mjesta tamo gdje ih treba biti više. Kao u socijalizmu, Direkcija je puna ljudi. Olako se poseže za disciplinskim postupcima

“Moje i mišljenje Vlade TK-a je da GSHL nije domaćinski upravljač GIKIL-om. Više su urušili kapital KHK-a, nego svoj. Kada sam stupio na dužnost, sve zatećene probleme u TK-u, pa i ovaj, stavio sam na stol i počeо da radim”, kaže ministar Mićanović.

U sredini priče o sukobu upravljačkih struktura su radnici. Njihov predstavnik Mirsad Imamović, predsjednik Sindikata radnika GIKIL-a, za *Dane* je rekao da treba sačekati potvrđivanje novog statuta GIKIL-a, nove skupštine, nadzornog odabora i vršilaca dužnosti direktora.

ra. Ove odluke moraju biti potvrđene u sudskom registru. Imamović očekuje da će sud ove odluke donijeti u zakonskom roku od 15 dana.

"Strani ulagači su GIKIL doveli do dna", kaže Imamović, a na naše pitanje o mobingu u GIKIL-u, naš sagovornik odgovara da je "mobing i kada čovjeku daš platu od 10.000 KM da ništa ne radi, da ne štiti kompaniju, nego vlasnika". "GSHL je upravi dao dobru platu da posao rade za GSHL, a ne za GIKIL. Godine 2004. kada je krenula zajednička kompanija imali smo 1.258 radnika, a danas oko hiljadu. Stalno izmišljaju neke nove sistematizacije. Ukidaju radna mjesta tamo gdje ih treba biti više. Kao u socijalizmu, Direkcija je puna ljudi. Olako se poseže za disciplinskim postupcima. Onda je svim šefovima zabranjeno da budu članovi Sindikata", požalio nam se Imamović.

Predstavnik druge strane u ovoj priči, generalni direktor GIKIL-a i predstavnik GSHL-a Debasish Ganguly za *Dane* kaže da će sud reći ko je u pravu i u prilog tome nam je dostavio izvod iz sudskog registra kojim se pokazuje da su osnivačka prava 51:49 posto u korist GSHL-a. U aktuelnom izvodu iz sudskog registra na dan 14. maj 2015. godine piše da je kompanija GSHL sa sjedištem u Londonu vlasnik 51 posto upravljačkih prava, a KHK 49 posto.

U sudskom izvodu piše da je udio osnivača u kapitalu 77,5 miliona KM (GSHL) i 74,5 miliona KM (KHK). Kapital subjekta upisa iznosi 152,1 milion KM, od čega je uplaćeno 106,8 miliona KM, piše u izvodu iz sudskog registra, što znači da neko do 14. maja 2015. godine nije uplatio 46 miliona KM.



Ganguly je odgovorio na sve optužbe kojima su ih ovih dana zapljenili iz KHK-a i Vlade TK-a tvrdeći da će spor biti riješen na sudu ili u međunarodnoj arbitraži.

Ganguly i dalje generalni?

"Ako ima našeg kriminala, nadam se da će biti objektivno razjašnjen pred bh. sudovima. Ako ima mobinga, pozivam sve radnike da ga prijave i da se zajedno protiv njega borimo. Što se tiče stanja u kompaniji, ovi podaci će na to pitanje najbolje odgovoriti. Prosječna neto plata radnika GIKIL-a je 1.050 KM sa svim plaćenim doprinosima. Pored obezbjeđenog toplog obroka u kompaniji, svaki radnik dobija i po šest KM dnevno na ime toplog obroka. GIKIL ima problema u radu, a to su visoki troškovi logistike i veliki broj zaposlenih, što nas čini nekonkurentnim u komercijalnoj prodaji koksa. Ipak, zahvaljujući podršci GSHL-a, GIKIL proizvodnju nije zaustavljao ni u jeku svjetske ekonomske krize. U isto vrijeme su mnoge kompanije u sektoru čelika u regionu su zatvarale pogone ili mijenjale vlasnike. GIKIL ne bi mogao nastaviti proizvodnju bez podrške GSHL-a u

Mićanović: Moje i mišljenje Vlade TK-a je da GSHL nije domaćinski upravljač GIKIL-om. Više su urušili kapital KHK-a, nego svoj. Kada sam stupio na dužnost, sve zatečene probleme u TK-u, pa i ovaj, stavio sam na stol i počeo da radim



Generalni direktor GIKIL-a i predstavnik GSHL-a Debasish Ganguly za *Dane* kaže da će sud reći ko je upravu i u prilog tome nam je dostavio izvod iz sudskog registra kojim se pokazuje da su osnivačka prava 51:49 posto u korist GSHL-a

vidu korporativnih garancija koje pokrivaju skoro sedam puta veće obaveze od onih prema ugovoru o pristupanju. Za gubitke iz prethodnog perioda treba pitati raniju upravu", kaže Ganguly.

Prema njegovim riječima, tokom strateškog partnerstva GS-HL-a i KHK-a u GIKIL-u, ova kompanija je imala promet od 2,5 milijardi KM, a naime doprinos i taksi je državi uplatila oko 400 miliona KM. Također, GIKIL je Bosni i Hercegovini doprinio sa jedan posto BDP-a, tri posto ukupnog izvoza i 20 posto prometa Željeznica FBiH. Na optužbe da su u Nadzorni odbor imenovali svoje ljude, Ganguly odgovara da je to tačno, ali...

"Od juna prošle godine nije bilo sjednica NO GIKIL-a jer su članovi KHK-a odbijali da prisustvuju sjednicama. U septembru prošle godine oba člana NO iz KHK-a su podnijela ostavke. KHK je 30. novembra 2015. predložio dva nova člana koja su imenovana taj dan. Međutim, oni su odobili da potpišu izjavu o odgovornosti tvrdeći da KHK ima 70 posto upravljačkih prava u GIKIL-u. Tvrdili su da je sjednica Skupštine od 30. novembra nevažeća jer su vlasnička prava u omjeru 51:49. Nekoliko puta smo ih pozivali da potpišu izjavu o prihvatanju dužnosti, ali su oni to odbili. Potom smo KHK pozvali da predloži nove članove, ali nije bilo novih prijedloga. Tada smo, kako bismo osigurali kontinuitet u funkcionalanju NO, predložili i na sjednici Skupštine 12. februara na mjestu članova NO iz KHK-a imenovali svoja dva člana, indijske državljane Trilochana Sharma i Abhay Chahdrwy. Novi NO je 26. februara razriješio dvojicu izvršnih direktora GIKIL-a Almira Suljića i Elvira Turkića i postavio druge ljude, nakon čega je zbog ovoga KHK podnio tužbu i sazvao sjednicu na kojoj je 'promijenio' upravljačka prava", pojašnjava Ganguly, dodajući da je, prema izvodu iz sudskog registra, on i dalje generalni direktor GIKIL-a.

U ovoj priči će sudovi morati raspetljati mnogo toga, ali je najvažnije da se otkrije je li GSHL u GIKIL unio dogovoren kapital ili ne, te ako je tako, ko im je bez ulaganja odobrio da u GIKIL-u godinama drže 51 posto upravljačkih prava, a da u tom omjeru dijele i dobit kompanije. ■